


Beibl i Blant yn cyflwyno

Iesu'n gwella dyn dall



Awdur: Edward Hughes
Lluniau gan: Alastair Paterson; Janie Forest
addaswyd gan: Ruth Klassen
Cyfieithydd: Catrin Roberts
Cynhyrchwyd gan: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

Trwydded: mae gennych hawl i gopio neu argraffu'r stori hon,
ar yr amod nad ydych yn ei gwerthu.

Dyn dall oedd Bartimeus. Byddai'n eistedd ar ochr
y ffordd wrth ymyl Jericho yn cardota. Byddai
pobl garedig yn rhoi ychydig bach o arian neu
damaid o fwyd iddo wrth iddyn nhw basio heibio.
Doedd Bartimeus ddim yn gallu gweithio achos
doedd e ddim yn gallu gweld.




Un diwrnod, roedd y ffordd fawr yn brysur. Clywodd Bartimeus sŵn traed llawer o bobl. Roedd rhywbeth anarferol yn digwydd. Cyn hir, fe wnaeth y dyn dall ddeall beth oedd yn mynd ymlaen. Roedd Iesu o Nasareth wedi dod i'r dref. Daeth tyrfa o bobl i weld a gwranddo ar Iesu.



3

"Iesu! Fab Dafydd! Helpa fi!" Pam fod Bartimeus yn gweiddi? Oedd e'n meddwl bod Iesu'n gallu ei helpu? Efallai ei fod wedi clywed bod Iesu wedi gwella pobl eraill - pobl yn methu clywed, methu siarad, methu cerdded - a rhai yn methu gweld. "Fab Dafydd, helpa fi," gweiddai Bartimeus drosodd a throsodd. Roedd ei lais yn llawn gobaith.




4

Roedd Bartimeus yn siŵr o un peth. Dyma ei gyfle i gael help. Efallai na fyddai'n cael cyfle i ddod yn agos at Iesu eto.




5

Roedd yn rhaid i Bartimeus fynd at Iesu. Ond doedd neb yn barod i symud. "Sssssh!" medden nhw. Cafodd ei rybuddio i fod yn dawel.




6

Ond doedd Bartimeus ddim am fod yn ddistaw, daliodd ati i weiddi. Yna stopiodd Iesu yn sydyn! A gwranddo! A dweud wrthyn nhw am ddod â'r dyn dall ato. "Cod dy galon! Mae'n galw amdanat ti. Tyrdd!" meddai'r bobl wrth Bartimeus.




7

Taflodd Bartimeus ei glogyn i ffwrdd, neidiodd i fyny a mynd at Iesu.



8

"Beth ga i wneud i ti?" gofynnodd Iesu. Beth fyddai eich ateb chi? Fyddech chi wedi gofyn am arian mawr neu ddillad newydd smart? Oedd Bartimeus eisiau hynny?



9

Na, doedd Bartimeus dall ddim am ofyn i Iesu am aur neu ddillad newydd.

Ydych chi'n gwybod am beth ofynnodd e?




10

"Dw i eisiau gweld." Roedd Bartimeus eisiau gweld! Gweld y coed a'r adar a byd hardd Duw. Roedd e eisiau gweld er mwyn gallu gweithio, a pheidio bod yn gardotyn.



11

Yna dywedodd Iesu wrth Bartimeus: "Dos, am i ti gredu rwyf wedi dy iacháu."




12

Yn sydyn roedd e'n gallu gweld, ... a dilynodd Iesu ar hyd y ffordd. Roedd yn ail-adrodd y geiriau "Mae Duw yn rhyfeddol! Mae Duw wedi fy ngwella!" Roedd Bartimeus mor hapus.



13

Dechreuodd pawb ffoli Duw wrth weld hyn yn digwydd. Unwaith eto, roedden nhw wedi gweld gallu mawr Iesu, Mab Duw, yn gwella cardotyn tlawd, dall a'i helpu i weld eto.




14

Iesu'n gwella dyn dall
Stori o Air Duw, y Beibl
sydd i'w gweld yn
Marc 10, Luc 18, Ioan 9

"Pan ddatguddir dy air, bydd yn goleuo."
Salm 119:130

15



50

60

16

Mae'r stori hon o'r Beibl yn dysgu ni am ein Duw rhyfeddol.
Fe wnaeth ein creu ni, ac mae eisiau i ni ei adnabod.

Mae Duw yn gwybod bod ni wedi gwneud pethau drwg, beth
mae e'n galw'n bechod. Cosb pechod ydy marwolaeth, ond mae
Duw yn dy garu di gymaint nes ei fod wedi anfon ei unig Fab,
Iesu, i farw ar Groes, a chymryd y gosb am dy bechod di. Yna
daeth Iesu'n ôl yn fyw a mynd adref i'r Nefoedd! Os wyt ti'n
credu yn Iesu ac yn gofyn iddo faddau dy bechodau, mae'n
barod i wneud hynny! Bydd yn dod i fyw ynot ti nawr,
ac fe gei di fyw gydag E am byth.

Os wyt ti'n credu bod hyn yn wir, beth am ddweud hyn wrth
Dduw: Annwyl Iesu, rwy'n credu i ti ddod yn ddyn i farw dros
fy mhechodau, a dy fod ti'n fyw eto. Os gweli'n dda, tyrd i
mewn i'm bywyd. Maddau fy mhechodau i mi gael bywyd
newydd nawr, ac yna un diwrnod bod hefo ti am byth. Helpa
fi i fod yn ufudd i ti, a byw fel plentyn i ti. Amen.

Darllena'r Beibl, a siarad gyda Duw bob diwrnod! Ioan 3:16

17